



Concello de Xove

Expediente núm.: 1171/2025

Procedemento: CONVOCATORIA DOS PREMIOS DO CONCURSO DE ESCAPARATES DE NADAL "MÍRANOS" 2025 2026

Documento asinado por: A AXENTE DE EMPREGO E DESENVOLVEMENTO LOCAL

Dando cumprimento á Providencia de Alcaldía obrante no expediente e consonte ao previsto na Lei 38/2003, de 17 de novembro, Xeral de Subvencións, Lei 9/2007, de 13 de xuño, de Subvencións de Galicia, e no que sexa de aplicación, o RD 887/2006, de 21 de xullo; a Ordenanza Xeral de Subvencións do Concello de Xove, na que se inclúen as Bases Reguladoras da presente convocatoria; e o observado no Plan Estratéxico de Subvencións aprobado polo Concello Pleno na súa sesión de 30 de xullo de 2025 (B.O.P. núm. 179 de 6 de agosto de 2025), e ao obxecto contribuír á promoción do comercio local, promover a creatividade dos establecementos e incentivar que os establecementos comerciais de Xove decoren os seus escaparates con motivos de Nadal de cara ás próximas festas, de maneira que sexan máis atractivos para a veciñanza e clientela, á vez que contribúan a crear un especial ambiente festivo na rúa, formúlase a seguinte:

PROPOSTA DE CONVOCATORIA DOS PREMIOS DO CONCURSO DE ESCAPARATES DE NADAL "MÍRANOS"

PRIMEIRA.- DEFINICIÓN DO OBXECTO

Os premios teñen por obxecto contribuír á promoción do comercio local, promover a creatividade dos establecementos e incentivar que os establecementos comerciais de Xove decoren os seus escaparates con motivos de Nadal de cara ás próximas festas, de maneira que sexan máis atractivos para a veciñanza e clientela.

SEGUNDA.- REQUISITOS DOS PARTICIPANTES

Poderán participar no concurso todos aqueles establecementos situados na localidade de Xove e que teñan unha vitrina ou fachada exterior, independentemente do produto que oferten ao público, locais comerciais, perruquerías, centros estéticos, establecementos de hostalaría, despachos de oficinas, centros formativos, obradoiros, etc.

A documentación a presentar será a seguinte:

-Folla de inscrición establecida ao efecto

A folla de inscrición deberá presentarse no Rexistro de Entrada do Concello de Xove (presencialmente ou en liña: <https://xove.sedelectronica.gal>) dende o 27 de novembro de 2025 ás 09:00 horas ata o 12 de decembro de 2025 ás 14:00 horas. No suposto de que unha empresa teña varios establecementos, poderá presentar tantas Follas de Inscrición como escaparates opten ao concurso.

TERCEIRA.- NORMAS DO CONCURSO

O tema debe gardar relación co Nadal. Os establecementos participantes terán





Concello de Xove

total liberdade en canto á técnica e ao estilo.

Os escaparates deberán estar preparados antes das 24:00 do día 11 de decembro de 2025.

Os establecementos, para a difusión do concurso en redes sociais, enviarán unha única fotografía do escaparate ao seguinte enderezo: aedl@xove.es antes das 24:00 horas do día 11 de decembro. Se a persoa propietaria do establecemento cre necesario enviar máis dunha foto para a correcta visualización do seu escaparate deberá mandar todas as fotos en forma de *collage*, enviando así unha única fotografía. Os escaparates deberán estar suficientemente iluminados e en condicións de tal xeito que permitan ser vistos polo público durante toda a campaña de Nadal.

CUARTA.- CRÉDITO ORZAMENTARIO E TRAMITACIÓN ANTICIPADA DO GASTO

A contía máxima destinada ao presente premio é de 250 euros € (partida 4314.481 do Estado de Gastos do Municipal).

O premio será concedido no exercicio seguinte ao da convocatoria co que será de aplicación o previsto no artigo 56 do Real Decreto 887/2006, de 21 de xullo, polo que se aproba o regulamento da LXS sobre tramitación anticipada de gasto. A concesión queda así condicionada á existencia de crédito adecuado e suficiente no momento da resolución de concesión.

Estimarase deserta a convocatoria se hai menos de 15 inscricións, é dicir, se non se acada un mínimo de 15 participacións o concurso non terá lugar.

QUINTA.- PREMIO

Concederase o PREMIO DO CONCURSO DE ESCAPARATES DE NADAL “MÍRANOS” 2025- 2026 ao escaparate que resulte seleccionado polo xurado designado a este efecto que consistirá en 250,00 Euros.

De acordo co RD 439/2007, de 30 de marzo, polo que se aproba o Regulamento do Imposto sobre a Renda das Persoas Físicas, non está suxeito a retención o premio anterior.

SEXTA.- SELECCIÓN DO ESCAPARATE GÑADOR.

O xurado visitará os escaparates dos establecementos participantes no período comprendido entre o 14/12/2023 e o 03/01/2024 e valorará a cada un cun máximo de 100 puntos con arranxo aos seguintes criterios de puntuación:

1. Deseño e montaxe. Máximo 50 puntos
2. Creatividade e orixinalidade. Máximo 25 puntos
3. Iluminación. Máximo 15 puntos
4. Atractivo comercial. Máximo 10 puntos

Unha vez rematado o prazo, pola axente de emprego e desenvolvemento local acreditarase mediante informe o número e razón social dos establecementos participantes así como o número de puntos obtidos por cada un deles. Este informe terá o carácter de proposta de concesión do premio. No caso de empate, o premio outorgarase ao establecemento que acadase maior puntuación no criterio número 1 segundo a valoración do membro do xurado: profesional do escaparatismo, que non poderá outorgar a mesma puntuación -no criterio nº 1- a dous ou máis escaparates..





Concello de Xove

SÉTIMA.- COMPOSICIÓN DO XURADO PARA O PREMIO XURADO.

O xurado estará composto por un profesional do escaparatismo, unha persoa representante dunha asociación local cuxo obxecto estea relacionado co tema que se trata e un artista plástico. Actuará como Secretaria do Xurado a Axente de Emprego e Desenvolvemento Local, que actuará con voz e sen voto.

OCTAVA.- INFORMACIÓN Á PERSOA BENEFICIARIA DO PREMIO

Con carácter xeral, os premios están incluídos no ámbito de aplicación da Lei 38/2003, de 17 de novembro, Xeral de Subvencións, polo que o Concello de Xove é un órgano obrigado a facilitar información da concesión dos presentes premios á Base de Datos Nacional de Subvencións. Igualmente, con carácter xeral, non obstante o establecido na Base Quinta (non existe obriga de practicar retención por ser inferiores a 300,00 euros), os premios están suxeitos ao IRPF segundo o establecido no artigo 75.2 do RD 439/2007, de 30 de marzo, sendo a Axencia Estatal da Administración Tributaria un dos órganos cesionarios dos datos rexistrados na Base de Datos Nacional de Subvencións en virtude da colaboración coa Administración Tributaria que establece o artigo 20 da Lei 38/2003, de 17 de novembro.

Non obstante, e de acordo co establecido no artigo 4 do RD 130/2019, polo que se regula a Base de Datos Nacional de Subvencións e a publicidade das subvencións e demais axudas públicas, non será obrigado subministrar por parte do Concello información das resolucións de concesión dos premios nin do pago dos mesmos sempre e cando o importe anual outorgado a un mesmo beneficiario non supere a contía total de 100,00 euros.

A Axente de Emprego e Desenvolvemento Local,

DOCUMENTO ASINADO DIXITALMENTE

